


Rîn mi leh Ruk: Willem de Vink

MESIA JISU



M
E
S
I
A
•
J
I
S
U

Zei hun zawngah a rokual chem mi tuanthu

WILLEM DE VINK

A THU TLA ZEI




Vânmiñial: Muhlo mi Pathian thu tlunhtu (phêk- 5)


Malsawmnâk: Amah duhia hâwi hen titu tla rangah Pathian nih thilṭha chikip minung rangah pêk ding a duh.

Bible Thenhlimh: Pathian nih minung rangah zeî hâwi hen a zauh ti leh an sinah zeitin a um, Bible ah na rêl kho.

Lalpa zânriah: Pathian dunglei zûltu tla nih chun Sang leh Uain hâng hen a thihnâk leh a thawknawlnâk an theihkumza (phêk - 31).



Kraws: Fâktak hen Jisu nih amah taksa tuarnâk hen thihnâk asi. Hi hi amah zûltu tla rangah singsiahnâk a hawng a chang rawh (phêk- 25-50).



Thiruai: Jisu zûltu tla (phêk -18)

Easter: Jisu thawknawlnâk ruangah puai rokual tuah asi. Chu ni nget ah Juda tla nih Kalkanh Kût an mang tâwn (phêk- 38-54).




Zungzâl Nungnâk: Jisu hen munkhat tawih-le-lêng hi Pathian duhdân asi. Hinih hin thihnâk a neh kho, dawng ni a neilo rawh (phêk- 23, 29-30, 59).



Lungnâk: Pathian nih ti ding hen a tiam mi tlûnah na lungumnâk leh na zumhnâk kha asi (phêk – 58).

Ngaihdamnâk: Aukhawm tlingtlâk mi silo khawmsele Pathian nih chun hawng kan ngaihdam. Na sual na sîr hen na thlâkthleng tak asi chun Pathian nih an ngaihdam kho.



Jisu nih rêpnâk tla a tuar rawh ruangah chun Ngaihdamnâk chu a rangah awlsam tak asi (phêk – 58).

Pathian Ram: Minung tla nih a e-aw an ngâi tikah Pathian Ram chu a tung tâwn.

Thlarau Thenhlimh: Jisu zûltu zawzawng tla sinah Thlarau Thenhlimh chu a um (phêk – 58).

Jisu: Pathian Fapa min, Pathian Ruangsuahtu tinâk.

Mesia: Lal Sariak thuh. Mesia (Hebrai hawlh) chu Greek hawlh hen Krist anti (phêk – 52-55).

Thlacham: Pathian hen na sâwnnâk, dâisip mawh fâkpi hen a thu na ngâi kho (phêk – 18,19,42).

Thawknawlnâk: Jisu chu thihnâk thawk hen a thawk nawlh. Mikip tla khawm nikhat chu an thawk lai. Churawh chun Pathian nih mikip tlûnah lâi a rêl lai.

Setan: Pathian leh minung tla rangah muh lo hen mi mêlma asi.

Sual: Pathian duhdân ah tlang lo hen Pathian duhlo kâng thil kan timi kha asi.

Pathian Fapa: Jisu min. Anih chu Pathian asi. Pathian sibuh hen minung hâwi hen hi laikulh ah a hawng kal.




MESIA JISU AU?

Jisu chu kum 2000 lânah Israel ram ah um mi asi. Mesia Jisu tihen kan auh. A um zia chu anih chu Lal. Anih chu Lal cho silo hen Pathian fapa tihen khawm auh asi. A umzia tak chu anih chu Pathian leh minung thawk hen hawng kal mi asi. Bible ah Mesia Jisu thu rîn hen a um. Hi chu zeiliau zawng thu rokual tak asi.

MESIA JISU HUNLIAU

Kan kum tla hi Mesia Jisu suaknâk thawk hen rêl asi. Chu hun liauah minung tla chu kê hen, Sanatung hen, Sangâwnsâu leh Rang hen an a sawk tâwn. Europe khuamual khingkhui, a lâi kuamkam leh marlei Afrika chu Rom sawrkar tangah um liau asi. Israel ram ah Juda tla cho lo chu rîn leh rêl thiam an um lo. Juda tla nih chun lasui thu hi minung hâwi hen an auh. Chu lasui thu thawk hen Pathian khawm nih thu a hawng sim. Anih chu um kumza mi thil zeizawng siamtu. Minung zawzawng hâwikawmh siding a duh. Mesia Jisu thu ah fiang tak hen a langh.





JISU HUN LIAU ISRAEL

Khuapi chem: Jerusalem

Ram then tla: Galili, Samaria, Judai

A kauh zat: 28,000 Kilometer vel
(10,810 square mail)

Boruak: Thâlpi ni hâwi kumza

Political dîrmun: 63 AD thawk hen Rom sawrkar nih a awp.


Sawrkar: Rom lâirêltu Pontia Pilat chu Israel tla lâirêltu asi. Rom lal Tiberia nih a tlânah lâi a rêl.

Sakhua: Juda sakhua. Juda tla rang Jerusalem ah pumhnâk in a um. Bâwlpu tla nih chu munah sakhua lei rian zawzawng an ÷uan. Chumun ah sakhua ruitu (Pharisai) tla nih Bible thawk hen minung tla rangah sîntirnâk an pêk na.


Hawlh: Hebrai hawlh (Juda tla hawlh). Greek hawlh (International hawlh). Latin (Rom mi tla hawlh).



Mipi tla hi zeiruangah hi tivakap ah an a tawngkhâwm mi?



Pathian ram a nâi,
A timhtuah rawh!




Nunthar a dawmh rawh!



Pathian lâirêlnâk reitung Thingbul kipah siah hen a um rawh.




Thing kip a rah thalo mi vial lengh hen mei lakah lawnh asi lai.




Kannah khawm chuhâwi hen lengh kan si lai, nun tha hen âume a nung kho lai?



A dik! Aukhawm Pathian lâirêlnâk thawk hen an tek kho lai lo. Sikhawmsele ka dung leiah hawng kal ding mi nih chun sunglei leh lênglei zeizawng a thlâktlengtir hep kho lai.



Diktak hen na nun danglamtir ding na duh chun, na sual kha phuang le tî lakah tum le a baptris rawh.




Nunthar dawmh ding hen tuchun na sual na tawl rawh asi.

Baptistu Johan nih chun tivarâl lei mikip rangah a kawh na rawh.....

Kei chu miherh kasi lo. Pathian rangah a lampi ka sial mi asi le, anih nih hawng kan muhtir lai. Anih nih chun Pathian Thlarau hen hawng ka baptis lai. Chunih chun a pumpial hen an thlâkthlengtir lai.




Churawh chun.....




Kei chu..... Nangmah nih na hawng ka baptis herh dauh mi.




Tu hin hi hâwi hen ti rawh. Chutikah Pathian nih a duh hâwi hen kanti lai.



Pa, na Ram a hawng tung lai le na duhzia a hawng rangtling lai.




Churawhchun vâw thawk hen awhâu a hawng suak mi nih a sim.....



I, Nang hi ka fapa duhtak, thungai ka lawmh mi chu nasi.

Baptistu Johan nih Israel phun tla Krist sinah ruai ding hen lampi a siam mi hi kan hun a dawmhnâk asi. Chu hun liauah Israel tla chu Rom ram awpnâk lakah mechem mi ansi.




Israel ram ah Juda tla chu nehsawh leh thlaphâng hen an a ngaih. Churuangah mi le tla nih chun Mesia hawng ding mi tik chu ngâk hen an um. Anih chu Ruangsuahtu, a hawng kal ding mi khawm Juda tla lasuibu lun ah sim hen a um. Hi Krist nih chun Pathian diknâk a lawhtlingtir lai.



Baptistu Johan nih chun Jordan varâl leiah Jisu rangah mêltheih a siam rawh.



Zauhnik! Pathian Dawra Fa chu, Anih nih chun laikulh sualnâk zawng a thiangtir lai.




Baptisma a chang nûnah Pathian Thlarau Thenhlimh nih ramkaro leiah a kalpi rawh.

Anih chu chunah ni 40 leh zân 40 a um. Chunah a um kar zawng zeikhawm ei leh din lo hen a um. Anih chu a rianțuan ding diktak zeï asi tih fiangtak theih ding hen thla a cham.



Jisu nih a lawhtling ding hen chun laikulh ah chuhâwi ati ding chu Pathian duhzia asi. Pathian thiltum chu laikulh minung tla hi thihnâk thawk hen sansuahnâk hi asi.

Sikhawmsele Setan chu Pathian dotu asi, Pathian duhzia lawhtlinglo ding hen zeiliau zawng Jisu rangah a kham tâwn.



I, ka Pa: na duh zia zawng chu ka ti lai.

Sikhawmsele Setan chu Pathian dotu asi, Pathian duhzia lawhtlinglo ding hen zeiliau zawng Jisu rangah a kham tâwn.

Pathian Fapa diktak nasi chun, hi lung hi sang ah changtir rawh.


Siloh! Bible ah hi hâwi rîn asi: Minung chu sang cho hen an nung lai lo le, Pathian thu khawm hi a herhnâk a um.




Pathian Fapa diktak nasi chun Pathian biakin sîpzum thawk hen a khâwk le birhtir rawh. A vânmifial tla nih an dawmh lai ti hen rîn a um lo mazei?

Bawkbukhup hen hawng ka mâimuk le, hi bang zawzawng hi ka nan pêk ver lai.

Churawh chun Setan nih Jisu chu amah lâwng hen a thlah le, Vânmifial tla nih a rian an ùan piak rawh.



Lalpa na Pathian niksak del lah, ti rîn asi bâk.




Setan kal ving! Lalpa na Pathian sawnh le, amah rian cho ùan rawh, ti rîn asi.





Jisu chu Galili ah a kîr rawh chun Thlarau Thenhlimh hen a khat. Jisu chu marlei Israel ram mipi tamnâk ah a ùanglian rawh. A kalnâk zawng ah mipi tla nih an zûl. Khuavâng tla nih an rîn mi thu ah Krist Mesia tatak asi ma tih theih an duh.



Galili ram khua pakhat Kana ah umhnâk puai a um.....



Jisu khawm a nu leh a hâwi tla hen chun ah a kal bâk.



Umhnâk puai lâikhing chir ah chun.....

Zei harsatnâk rawh!
Uain hâng a dih thlo!

Jisu nih an simh na zia te hen ti u.

Uain siahnâk bêl tla ah tî khah hep ule, umhnâk lâiraw hotu sinah tem ding hen simh u.

Tî silo ma? zeitin uain asi ving!

Thungai hen a thaw! Puai dawnghei ah hi hâwi uain tha na siah ko e!


?

Hi hâwi chu ka theih dah lo! Hi hâwi umhnâk puai ah ka kal dah lo. Ti uain a chang mi chu! Tha chem mi uain asi.

Hi hi Nazret ah Jisu rianțuan asi.

Anih chu âu?


Galili tiva kapah Kapernaum khua hi Dungkawr tla rangah mun pawimawh chem asi.



Hinah hin masachem hen thiruai tla a thim na.



Peter- Rili thuknak leiah kal le na len kha vawrh rawh.




Lalpa! Zan khuadei hamhtak hen len kan vawrh le zeikhawm kan tawng lo.



Sikhawmsele hi hawi na sim chun-



Zei! Hi chu ka lung kho loh!





Jem! Johan!
Hinah hawng kal u! Hi hi san le-za rang tleih ding mi asi.



Lalpa hawng ka kaltâk rawh. Sual hen khat mi minung kasi.

Peter, tih lah.



Hawng ka zûl rawh. Minung tleih tu ah ka nan siam lai.




Hawng ka zûl rawh!

Jisu chu a thiruai tla hen Galili kuamkam an a sawk le, mikip sinah Pathian Ram thu an sim. Chuliau chun minung tla damlo tinpirit a damh na, thlarau sual tla a nar. Mi tla nih a thilti an muh le chê tihen an zûl. Bial dang Israel tla khuapi Jerusalem thawk hen khawm mi-le tla an hawng. A thusim zawng thûk tak hen an lung.




Mi pâmâmî tla chu an thaw a suak, Vân Ram an ta asi ruangah.


Sungvâng tla chu an thaw a suak, an khim awt ruangah.



Ngaihsia tla chu an thaw a suak, Pathian thlangamh hen an um awt ruangah.



Mi nih keimah ruangah an fâi na hen, an nehsawh na hen, awkrawl hen sual kip hen an phiar na tikah nan thaw a suak lai. Lâwm ule, lâwptlo hen um u, vâh ah nan lâwmman a tam ruangah.




Mi nih na lakah an tiding
na duh hâwi hen, midang
sin khawm ah ti bâk u.




Na mêlma tla zângfah le an
rangah thlacham piak na.



Midang tla sawrnâk tawng ding
ruang silo hen chungâk chun a
thup hen bawmh na rawh.




Mi âutal nih nunâu rangah
diklo tak hen a ngiat chun,
a thinslung ah a uire ving
rawh asi.



Mit chu taksa khâwnvâr asi. Na
mit a tha chun na tak pumte
hen a chêu lai. Sikhawmsele
na mit a thalo chun na tak
pumpuluk a mûi lai.



Pathian leh Sum zeï tal siseh,
âukhawm nih hotu panih
rian an tñan kêp kho lo.




Thâizîng rang ding lungkham lah u.
Pathian Ram leh a repnâk chu hâwl
masa dauh u, chuvachun chubang
zawzawng chu a nan pêk sap na awt asi.



Ka thu na zûl chun mi lungpi tlûnah in saktu hâwi nasi.
Chu hâwi na ti lo chun sep tlûnah in saktu hâwi nasi.





Nikhat chu mipi tla Kapernaum ah Jisu in kiangkam khatphak hen an a tawngkhâwm.

Zeitik khawm ah chumi hen kan kal kho lai loh.

In tîun a um ngelchel, chu lakah a itnâk khum hen an thlâk rawh.




Chun ah zeithil a hawng um rawh?

Annih tla chu thlah na u! Khi a hâwi tla nih lungnâk cherkhet an nei.




Na sualnâk chu ngaihdam asi rawh.




Anih nih zeithâwi ati na theih ma?

Anih chu Pathian rangah a nihsanh.

Mi âurang mawh sual ngaihdam ding hen chun Pathian cho nih a ti kho.



Mikhêng rangah 'na sual tla ngaihdam asi rawh,' ti leh 'thawk le, na kê hen kal rawh,' ti hi zeithi mi a sim awl dauh?



Sual ngaihdam khonâk Jisu nih chun a nei. Chunûn khawm ah ka sim duh mi chu: na tangphah lâk le kê hen kal rawh ti hi asi.




Zumh kholo mi asi !


Anih chu kal â dawmh rawh.

I, ka kal kho rawh hi!

Sikhawmsele an ekte hen an lungâwi ver lêm lo. Sakhua ruitu tla nih chun Jisu nih dinhni duandân diktak hen a zulh ma tih an ngiat ko. A san chu chuhun liauah Israel tla lakah hi ni chu khauh tak hen khap mi asi.



Hinah hin a kut a zeng mi pakhat a um. Hi ni ah hin damh ding hen phalnâk â tawng lai ma?



Na kut hawng zangh.



Uh! Ka dam ziar hi!



Veih khonâk ding kângnung kan tawng rawh!

Phun tla rangah lam diklo a pialtir na mi hi Jerusalem ruitu tla rangah simh ngelchel na ding asi.

Jisu chu amah zûltu tla hen Galili
rili ah lawng ah chun an a chuan rawh.






Kan pil awt hi Lalpa
hawng kan țangpi rawh.




Zeirangah nan țih? Nan
lungnâk kha zeiah?








Chu tlângah chun khuri vuanh minung a um tâwn....



Anih chu a hawng kal rawh!

Amah ma! Uh!



Jisu asi! A tha, a tha!



Thlah rawh! Khuri vuanh thlarau!

Pathian Fapa, kannih leh nang zeï kanna tlâinâk um?








Na min âu?


Kan murui lakah hawng kan kaltir, mi cherkhet kansï.



Khinah vawkruah pawsungah khin hawng kan kaltir.

Kal u!






Kan simh na, Fapa nih amah thawk hen zeikhawm ati kholo. Pa nih tiding hen a simh mi zawng a ti tâwn. Kei chu Pa duhzia hâwi hen rian ka òuan, keimah thu hen ka òuan lo. Anih chu hawng ka fialtu asi.




Jisu chu zeiliau zawng mûi kingnâk ah thlacham ding hen a kal.




Jisu nih zân khuavâr hen thla a cham nûnah òiruai 12 tla a thim na. Panih panih vima hen a fial na. Thlarau sual leh râi chikip tûnah damh khonâk a pèk na.



Peter leh Andri chu unau suakkhat ansi.




Jem leh Johan chu unau.....



Philip leh Bartholomai.....


Thom leh Mathai (Rom sawrkar tangah siahkhawlhthu)




Thaddai leh Jem dang.....



Dotu Simon leh Juda Iskariot.





Kal u, an pawm natu zawng chu an hawng ka pawm mi asi, an hawng ka pawmtu zawng nih chun hawng ka fialtu pawm ansi.



Thiruai 12 tla chu an riantuan ah thathawk tak hen an hawng kîr. Churawhchun Jisu chu mun kingnâk ah kalpi na ding a duh le, sikhawmsele mipi tla nih amah lâwng hen an kaltir lo.

Fâng ât ding tamtak a um le, tuantu tla an tâwm. Riantuantu tamtak an pêk na ding hen Lalpa sinah thlacham u.






Jisu nih thu a sim le damlo tla an dam. A tlâi thlo rawh....

Philip nih, hi zawng minung ei ding hen eibar zeiah kan dak lai? Nangmah nih zeirangah zeikhawm na pêk na lo zia?




Hinah hin thlariat lawhman tluk tangka a herh lai.

Hinah ngâksia pakhat sinah sangtlep panga leh nga panih a um. Hi cho hi asi.




Mipi zawzawng 50 rual vima hen a tlar hen to ding hen simh na u.




Jisu chu Pathian sinah lâwmthu a sim rawh.



Sang leh nga chu a phel.



Jisu nih a phel le eibar tla chu
sâng zeimawzat tla nih an ei.....




Anih chu hawng kal ding thu
a um mi Krist ngelchel asi.


Lal rang ding hen
kan tawng rawh!






Zauhnik! An eibang
neknawi khobung
12 a khat.



Tuah mipi tla chu an in leiah kal na seh. Nannih chu lawng hen
varâl leiah kal u. Kei chu thlacham ding hen hi tlângah ka um lai.






Chumun ah zeimawmi kan muh mi tla nih Jisu rangah Lal ah phuang ding hen an duh. Rom lâirêlnâk â râwk rel kho ding hen an lungum. Chuhâwite hen Jisu dotu tla khawm an a sap vima bâk. Chu tla nih chun zeiliau zawng an simsâwi. Chu tla nih chun Jisu duhlo kâng an hâwl vima le, nar ving ding hen an duh.



Lalpa, Hinah zeiliau na hawng tleing rawh?

Sang ka nan pêk na ruangah ma nan ka hâwl?

Eibar a râwk kho mi ruangah dawn lah u, zungzâl hen a um kumza ding mi eibar ruangah dawn dauh u.



Kei hi nungnâk sang chu kasi. Laikulh nungnâk dingah ka pêk ding mi sang chu ka taksa hi asi.



Hi minung nih hin zeitin a taksa ei ding hen a hawng kan pêk awt zia?

Thudo tlalo!






Kal ding ma?


Mikip rangah a perpet mi asi.




Kal ding nan duh ma?

Lalpa, âu sinah kan kal lai? Na sinah zungzâl a nung mi thu a um!






Jerusalem lêngleiah mi thahnâk hi a um mang tâwn. Chu tla rangah Kraws ah kenh hen thah hi Rom sawrkar lâirêl dân asi.




Ka mi siding tak duhtu nih chun mah hamnâk zeisarlo hen um ding. Mah Kraws put hen hawng ka zûl ding asi.



Mah nungnâk hum duhtu nih chun amah nungnâk a thlau lai. Sikhawmsele keimah ruangah nungnâk dawktu nih chun a tawng lai.



Pathian pakhat cho a um tih na theih ngelchel.




A herh chem mi chu na neihlem hen Pathian chu dâwt rawh. Chun nangmah leh nangmah na zângfah hâwi hen midang tla khawm zângfah rawh.

Chuhun liauah Israel ram ah phâr khua a um. Phâr hi vun râr ãhnungkâi tak asi.
Hi phâr râr tawngtu tla chu a dam mi tla hen munkhat um ãng an tawng loh.



Phâr tla chu zeimun tal an kal khawm minung tla hen an a tawng awt chun râlringnâk leh an um ko tih theihnâk ãng hen an âu chiam tâwn.






Bâwlpu tla sinah a zauhtir ding hen kal u!



Chuhâwi chun zeitik ah kan dam lai rawh ne?

Bâwlpu tla sinah kal u? va a niktir u?




?

!




Zauhnik! Ka dam ver rawh hi!




Ka dam ver rawh!

I!



Halleluia! Pathian chu a ðha! Na tlúnah ka lâwm.



Nan 10 hen nan dam ver lo ma? Midang tla teh zeiah? Annih teh Pathian sinah lâwmthu sim ding hen an hawng awt lo ma?



Thawk! Na lungnâk nih an damtir cho silo, sikhawmsele...

Jisu khualtlâwnghâk ah Jerusalem thawk hen Juda ruitu tla nih chun mi thlinghlâktu ding hen an rianuantu tla an fial na. Annih tla nih chun anmah kalh kâng hen rian an tuan rawh.

Anih nih chun zatlâng nih an ik na mi, nawhchizuar leh siahhawlhtu, Rom sawrkar hen a tlâi mi tla chu a sinah a kawh na.

A tlâu rawh mi tla hâwl ding hen Krist chu a hawng kal mi asi.




A san chu Jisu nih Dinhni ah mi a damh tâwn.

Hawng dam rawh!



Ngâksia tla hi thungai hen a lungkham na.

Ngâksia tete tla ka sinah hawng kaltir u le, nar lah u, Pathian Ram chu hi bang mi tla ta asi.



Jerusalem kiang leh Bethani khua ah Jisu chu kawh asi rawh. Lazar a thisello. Lazar leh a farnu panih Marthi leh Mari chu Jisu hâwikawmh tak ansi. Jisu Bethani a tlang nûnah Lazar an vûinâk hen ni 4 asi rawh tih a theih.



Lalpa, nang hin ah um le chu ka t̄apa a thi lo ding mi.



Marthi, na t̄apa a thawknawlh lai.



I, ka theih. Hun dawng lei thawknawlnhâk hunah anih chu damte hen a thawknawlh lai.



Kei hi thawknawlnhâk leh nungnâk kasi, âuzawng hawng ka zumhtu chu a thi khawmsele a nung nawlh lai. Marthi, hi thu hi na zumh ma?




I, Lalpa, lung ta a, Mesia Pathian Fapa, laikulh ah a hawng kal ding mi chu nasi ti ka lung.



Kha zeiah nan vûi?


Lalpa, hawng kal le hawng zauh nik!






Zauhnik u, anih chu a dâwt chiam e!

Sikhawmsele Lazar a thi ding mi chu a kham kholo menmaw?




A ruak chu pûk sungah an vûi le puan hen an tuam nûnah lung hen an denh.

Lung hi thial u.



Lalpa tu chun a râwk lai rawh, a thihnâk ni li asi rawh mi.....

Pathian rokual zia na muh lai.



Pa, ka thu na hawng ka ngai piak ruangah na tlûnah ka lâwm. Ka thu na ka ngai piak kumza asi ti ka theih, sikhawmsele, mi zapi hêl buk hen dir mi le ruangah chun chu chu ka sim asi, nang nih na ka fial ti an lung khonâk ding hen.



Lazar, hawng suak rawh!



A puan samh ule kaltir u.

Jerusalem ah ruitu tla chu Jisu leh a zûlvêtu tla lakah thungai hen an lawksawng rawh.



Hi minung nih hin thilchê tamtak a ti.

Hi hâwi hen kan kaltir ko chun Rom mi tla nih hawng kan rêp lai.

Kan pumhnâk leh kan phun tla hawng kan veih ver lai.



Ruat set u. Nan rangah hi hi a ðha. Phun pumpi veilonâk ding hen mipi rûlah mi pakhat thih nan rangah a ðha dauh.




Chumi ruang tak chun Jisu chu thi ding asi.

Chu hun thawk hen Juda ruitu tla nih chun Rom mi tla kut ah pêk ding hen hun remchâng an hâwl. A san chu minung thah khotu chu anmah si ruangah.

Jisu chu Bethani ah a um liauah....




Mari !



Sariak rimthaw chu chu a! Man tamtak mi asi.



Mi pammâi tla rangah tangka hen pêk na sele kan rangah a tha dauh ding mi!







Juda, zeitin khawm ti lah. Phûm hen ka um ding mi ni rangah kil seh.

Kalkanh Kût puai ruangah mipi tla chu
Jerusalem ah an a tawngpumh chiam rawh.




Jerusalem ah ruitu tla chu Jisu
rangah tleih ding an a thluk.
Anih chu khuapi lei lampi
ah a um cho rih.






Khuapi ah pumhnâk mun chu mun lâili chem asi.



Kalkanh Kût ah chun Dawra an ap tâwn.



Pathian hen minung kan a tlâitawnhnâk ding hen Dawra bâwlnâk ah an ap tâwn.







Sikhawmsele Dawra ap mi nih minung sualnâk a sansuah kho tak lai ma?



Mipi tla chu pumhnâk in tualmâi ah sawlehnâk hen an khat.




Chumon ah Jisu khawm a va tleng.....




Pathian in chu thlachamnâk in asi, nannih nih rawkmang pûk ah nan mang!



Anih chu lâukâi tak mi asi, mipi tla a thu thu hen an kal.



Anih hi a rang kho riri hen kan veih ding a suak lai.



Fing perpe ual hen kan ti chun kan tawng ka lai. Chutik ah kan thah kho lai.

Sikhawmsele Kalkanh Kût ni ah chun siloh. Kût ni ah nawktirnâk rian hi kan duh lo.


Amah ruangah zeizat nan hawng ka pêk lai?

Juda Iskariot chu a ðhiruai lakah pakhat asi.


Jisu chu nan kut ah kan ap na lai.

Sal lawhman tluk hen Jisu ruangah tangka 30 kan pêk lai.


Sakhua ruitu tla nih Jisu rangah
 hun harsa ual hen siam na
 khawmsele Anih chu Pumhnâk
 in ah Kalkanh Kût mang kho
 hen a um.



Chumi ni zânlei bâiah chun Jisu chu thiruai 12 tla hen
 Kalkanh Kût buh dûm ding hen an a tawng pumh rawh.



Tuzân ah ngelchel ka ti lai !





Hamhnâk ka tuar lânah
nanmah hen Kalkanh Kût
Buh dûm hen ka um mi asi.



Thuneihnâk tingtu nih chun
midang bawmhbelh an duh.
Sikhawmsele nanmah tla sinah
chun kâng dang hen a ti kho.



Nanmah lakah ruitu chu mi
zawzawng sal asi ding asi.




Kei hi nan lakah sal kasi.






Lalpa, nang nih sal hâwi hen ka kê na tâwl awt ma? Siloh! Zei tik khawm ah siloh.

Peter, na kê kan tâwl piak lo chun ka lakah tingvo zeikhawm na nei lai lo.



Lalpa, kha hâwi chun ka kê cho silo, ka kut leh ka lu khawm hawng ka tâwl piak.

Takkhawlh rawh mi tla nih chun kê cho lo chu a herhnâk um lo.




Nannah nih Lalpa leh Sîntirtu nan hawng ka auh mi chu a dik. Kei nih nan kê kan tâwlpiak na hâwi hen nannah khawm nih pakhat leh pakhat a bawmhtawnh u.



Nanmah lakah mi mipakhat nih hawng ka tlehtir lai.


Keimah kasi lo e mu?

Zei tik khawm ah siloh!



Juda, na ti ding mi chu ti sawm rawh!






Nan hawng ka theihkumzanâk dîng hen ti kumza u.




Hi sang hi lâk u, hi hi ka taksa.




Hi hâi hi lâk u, hi hi ka thisen nan rangah suak dîng mi chu asi. Hi hâwi hen Pathian nih nanmah hen thudântuk thar a siam awt asi.



Thupêk thar pakhat kanan pêk na, keinih kan dâwt na hâwite hen pakhat leh pakhat a zângah u.



Nanmah lakah zângfahnâk hi a um chun mi zawzawng nih ka thiruai tatak nansi tih an theih na lai.



Lalpa, zeiliau zawngah kan zûl lai. Ka nungnâk khawm na rangah ka pêk lai.

Peter, tuzân âr khuang lânah nang nih veithum na hawng ka pheh lai.

Chu ni zânleibâi ah chun Jisu leh a thiruai tla chu khuapi an suaktâk rawh. Juda Iskariot chu an sinah a um lo rawh.....



Keinîh chun kanan kaltâk na awt hi, sikhawmsele Pa nih tângpitu nan rangah a hawng fial lai. Anih nih chun a nan tângpi na lai le zeiliau zawng nan sinah a um lai.

Ka kalnâk ding lampi chu nan theih.



Keimah hi lampi leh thutak leh nungnâk ka si, keimah lakah kal lo mi chu âukhawm Pa sinah an tlung lai loh.



Hinah um u. Kei tâwm lât dauh ah thlacham ding hen ka kal lai rih.



Pa, rem na ti chun hi hâi hi ka sin thawk hen thînh rawh.




Sikhawmsele keimah thu silo hen nangmah thu si dauh seh.



Hi hâwi hun ah zeitin nan it zia? Thawk u! Hawng ka tleihtirtu ding mi chu a hawng nâi rawh!



Ka chawchawk mi chu tleih u.



Aw Lalpa!



Juda, Krist rangah chawchawk hen na tleihtir awt mu?

Lalpa, kan do na lai ma hi?



Ih!h!



Jisu nih chun kalpi ding hen â pêk. A zûltu tla chu a kerkip ah an tek hep rawh.



Juda tla hotu chem bâwlpu lal sinah Jisu chu an kalpi rawh. Peter leh Jem nih lâttak thawk hen an zûl.



Peter chu in kulhsung zâwllâi ah a va kal.



Nang khawm a sinah um bâk mi na si mu?



Siloh! Anih chu ka theih loh.


Nang khawm anmah lakah mi na si lo ma?



Ka si lo thlo!


Fiang tak kan theih! Nang khawm anmah lakah mi nasi! Galili ram ah mi pakhat na si teh!

Na thusim chu ka theihlo!





Kawkler-awk.



Churawh nûn chun.....



Au nih an vuak hawng kan simh nik?



A zîng leiah Jisu chu Juda hotu tla lâirêlnâk ah an kalpi rawh.

Nang hi Pathian Fapa na si ma?

Nanmah nih nan sim ko teh.



Sakhua dotu! Thih tlâk asi. Rom mi tla nih ti na seh!

Rom lâirêltu Pilat sinah Jisu chu an kalpi. Juda hotu tla nih chun an muh mi zawng hen mawhnâk an pêk. Mawhnâk pêk hen an âu rawh.



An phiarnâk zawzawng hi na theih lo ma? Zei khawm na sim awt lo ma?




Zei reng na ti?

Kei chu thudik sim ding hen hawng kal mi ka si.



Thudik chu zeime?


Hi minung sualnâk zeikhawm ka muh lo. Tuhin Kalkanh Kût hun asi, âu rangah ka suah lai, Barabba ma silo leh Juda tla Lal rang ma?





Barabas!

Barabas!



Jisu chu zei hâwi an
tipiak na ding nan duh?

Anih chu Kraws ah kenh!


Amah leh
amah lal a ti!

Hi minung na suah chun Rom
lalchem Kaisar hâwipa na si lai loh.



Amah ruangrûlah
anih chu na suah kho.

Baraba chu suah asi. Anih chu
mi thahtu asi ruangah thi ding
hen an mawhtir mi asi.




.....37,38,39!



A thisen ruangah
kei ka mawh loh.



Hi minung hi ma
Juda tla Lachem chu!



Zauh u! Chu minung chu!


Kraws ah khenh rawh!

Kraws ah khenh rawh!


Kraws ah khenh rawh!




Pilat nih thiding hen min a thlâk. Kraws khenh hi thihñâk lakah òhnungkâi chem mi asi. Jisu chu Jerusalem leiah rêpnâk Kraws chu put hen a kal rawh.







Thiding thu thlûknâk mun hi Jerusalem khuapi lênglei asi. Hi mun hi Gogotha khawm anti, luruh mun tihen auh asi tâwn.



Kawrsen tla nih Jisu chu Kraws ah thîr hen an khenh.






An phiarnâk chu hawlh thum hen an rîn le Kraws tlûnah an târ, “Hi minung (Jisu) hi Juda tla lalchem asi,” tihen.



Jisu nih fâk sawngnâk tî a din duh lo.



Kawrsen tla nih a nipuan chu an chamchawh rawh.



Pathian Fapa na sitak chun Kraws thawk hen hawng tûm rawh.



I, midang tla a sansuah na lo ma?

Nangmah a sansuah le kannih khawm hawng kan sansuah bâk!

Pathian men na tih lo ma? Bang cho hen hawng kan rêp hi. Kannih lam chu rêp dîng reng kan si, kan thilti diklo man kan tawng asi hi; hi minung nih hin zeikhawm a sual lo.



Na Ram na tlung tikah hawng ka theih kumza.





Thungai tak hen ka nan simh, tusûn ah hin ka sinah Paradis ah na um bâk lai.

Sûn dar 12 vêl ah Ni a mûi le, laikulh ram zawzawng a hawng thim rawh.



Jisu nu Mari leh a thiruai Johan chu Kraws kiangah an dîr.

Tu thawk hen nannih hi Nu leh Fa nansi.



Ka Pathian, ka Pathian, zeirang na ka kaltâk?



Ka tî a hâl....



Pa, ka thlarau na kut ah kan kiltir.



A lîm rawh....

Zânlei dâr 3 ah Jisu chu a nûkri a chat.
Kawrsen pakhat nih a nâk ah fei hen a
sunh le thisen leh tî a suak rawh.



Pathian lasui thu nih,
“Dawra Fa ap mi hâwi
hen a nih chu a thi.”



“Anih chu kan sual ruangah
nganfâk a tuar.” Sikhawmsele
tulam chun a thi rawh.




Hawng kal ding thu a um
mi anih hi Krist ma asi?



Arimathai mi Josef leh Nikodem nih Jisu ruak chu an lâk.
A ruak chu Puan mangthia hen an tuam le, rimthaw chulh
hen thlân ah an zâutir le, lung lianpi mi hen an khâr.



Hawng rih, vûi ding a tawng
lai ma kan deih nik lai.



Kalkanh Kût lîm Dinhni a thâituan ah nunâu zeimawmi tla chu thlân lung khâr mi zauh dîng hen an kal.




Lung chu thial a si ving rawh!

Mithi lakah mi zeî rang nan hâw! A thawk ving rawh. Kal ule a thiruai tla simh na u.






Peter leh Johan nih chu thu an theih rawh chun thlân leiah an va tek rawh.



Zei zia mesî?


A karo ko e!





Chu ni ah chun khaultlâwnng panih Jisu thirual lakah mi nih chun Jisu Kraws ah a thi mi thu an a cheih.....

Khuavâng tla thusim kan lunglo mi ma si? Krist nih chun nehsawnâk a tuar hen rokualnâk ah a lût ding silo ma? Hi thu zawng hi Bible ah rîn hen a um!



An ei liau tak chun an mikhual chu a tlâu ving.....

Sikhawmsele anih chu Jisu Krist ngelchel asi!



Churawh chun mawhsareh hen Jisu zûltu tla rang hâwl ding hen an a thawh sawm.

Mari leh Peter khawm chun ah an um.

Lalpa chu kan muh rawh!




Lâkkhat ko ah....

Nan tlûnah lungngamnâk hawng um seh!



Keimah kasi ti nan lung lo ma? Ka kut leh ke hi zauh u!



Ka Lal leh ka Pathian nasi!



Churawh chun Jisu chu a
thiruai tla sinah ni 40 tiang a
um. Chunûnah mi 500 sinah a
langh. Nikhat chu a thiruai tla
Galili rili ah nga tleih ding hen
an kal liauah.....





Peter, nang nih kei na ka dâwt dauh ma?



Jisu nih Peter chu thukhat nget veithum tiang a deih.



I, Lalpa; zeizawng na theih le, ka nan dâwt ti na theih.

Ka Dawra tla zauhkhenh rawh.



Hawng ka zûl rawh!

Tual leh vâh ah mi thuneihnâk zawzawng ka sinah pêk asi rawh. Chuvachun, kal ule, phun kip lakah mi thiruai tla ah siam na ule, Pa leh Fapa leh Thlarau Thenhlimh min hen baptis na ule, thu ka nan pêk na mi zawzawng zâwt ding hen sîntir na u.



Ngâinik u, kei zungzâl hen laikulh dawngh tiang hen nan sinah ka um vima lai.

Hi thu a sim thluh rawh chun Jisu chu laikulh kaltâk hen vâh leiah lâk hen a um. Sikhawmsle minung tla lâirêl ding hen hi laikulh ah a hawng kal nawlh awt ti khawm a sim.


A thiruai tla nih thlacham bu hen Jerusalem ah an ngâk. Thlarau Thenhlimh, Pathian Thlarau nih chun a khattir na. Jisu sinah mi Thlarau chu an sinah a hawng um. Jisu thu ah birtak hen theihpitu an si mi tla sinah chun amah minung tak ah a siam na awt rawh.



Thi mi Jisu chu an tleih kholo. Pathian nih a nungnâk chu pêk nawlh hen Mesia leh Lalpa ah a siam rawh.

Jisu zûltu tla nih chun a dotu tla chu mâiah siah hen khual an suak rawh.

Jisu chu Pathian Fapa diktak asi!




Hi thu chu lasuikwat hâwi hen khawm an phuang.



Kan soal zawzawng chu Kraws ah a taksa hen a phurh. Churuangah kannih khawm soal lakah mi thi hen Pathian nih amah duh zia hâwi tak hen khalh ding hawng kan duh.

Tuah chun amah zûltu tla chu laikulh ah thumunkhat hen Bible rêl leh thlacham hen an um. Jisu a thi mi theihkumzanâk ding hen sang phel leh uain din hen an um. Hi hi Pathian thiltum leh dâwnâk mikip sinah um ding hen an ekte sinah an a thên rawh.

Jisu nih chun Pathian
thiltum awlsam tak hen
a hawng siam rawh.



Jisu nih hawng kan dâwt!
A tlûnah a lâwm ule sawnh u!



Pathian nih laikulh thungai a dâwt le, churawh chun a Fapa neihlem a pêk, amah
chu âuzawng a zumhtu vial thi lo hen, zungzâl nungnâk an nei khonâk ding hen.

WILLEM DE VINK

Bible

Jisu Krist nunah thiltlung tla Bible ah rîn hen a um. Hi Bible hâwi hen lasuibu dang tla an rêl tâwn lo. Hi chu lasuibu zawzawng ngak hen lasuibu rangtling asi. Kum 1500 vêl ding hi lasuibu rîn ding hen hun a luah. Kum 1900 lânah hi Bible hi rîn dih asi rawh. Hi Bible lakah Pathian nih minung nungnâk lakah tlâinâk thu tla rîn hen a um. Pathian chu âu asi Jisu nun dân nih fiang tak hen a langh.


Jisu tuan thu

Bible ah hin Jisu chungchâng lasuibu pali ah rîn hen a um. Chu chu a rîntu tla min hen a bu min vuah asi. Hi rîntu tla hi Jisu hun liauah nung-dam hen um mi tla ansi.

1) Mathai:- Anih chu Jisu thiruai pakhat asi. Anih chu siahkawlhtu hâwi hen rian a ùan. Jisu nih a langh chem mi chu zeî hâwi hen Israel (Juda phun) tla hen tlâinâk a siam, ti asi.

2) Mark:- Jisu nih a rianñuan a dawmh liau hunah anih chu tlangvâl asi. A nih nih chun Jisu nih thilchê a ti mi tla kaihtâwi tak hen a rîn.

3) Luk:- A nih chu damlo zauhtu (daktor) pakhat asi. Anih nih chun a mimal hen Jisu rangah a theih mi silo. Jisu nih minung tla hen tlâinâk zeitin a siam ti mi kha a rîn.



4) Johan:- Anih khawm hi Jisu thiruai pakhat asi. Jisu hi diktak hen âu reng asi tih langh a tum. Jisu Krist chu Pathian asi, minung si bu hen minung tla sual sansuah ding hen a hawng kal mi asi.

JISU SUAKNÂK

Jisu a suak liau khawmah hi a nu Mari chu pasal nei mi silo rih. Anih chu Nungâk thenhlimh asi. Chuhâwi sikhawm hen Jisu suak ding mi chu Pathian nih zeizawng a siamrem ver. Pathian nih hi hâwi suaknâk chê tak um ding hen a lân lân thawk hen Khuavâng tla mang hen a phuang hep rawh. Jisu chu Nayok mawh mirokual hâwi hen a hawng suak lo. Anih suaknâk mun chu umnâk in-lo zeikhawm umlo.

JISU THILCHE TI TLA

Jisu nih thilchê cherkhet ati. Bible thenhlimh nih mun 40 ngak tam damhnâk rian a ÷uan mi a langh. Thilchê ati mi zawzawng hen Pathian thiltikhonâk leh dâwnâk a langhtir. Chu hâwite hen minung tla a ÷angpi le a lawmhtir na.



JISU THIHNÂK LEH THAWKNAWLHNÂK



Jisu zei rangah a thi? Bible ah rîn hen a um.

Hun zeimawh nikhat ah chu minung tla nih palhnâk rian an òuan. Pathian nih a duhlo mi leh amah rangah lungfaktirnâk thilti zawzawng chu sual asi. Chu hâwi mi sual zawzawng nih chun Pathian hen kawmhnâk thawk hen hawng kan lâttir tâwn. Chumi ruang tak chun hi laikulh ah Jisu a hawng kal mi asi. Amah duhnâk hen kan sual tla phurh hen rêpnâk a tuar. Chu rêpnâk chu thihnâk. Chu a thihnâk ruangah Pathian hen hâwikawmh kan hawng si nawlh kho mi hi asi. Kha kan sualnâk ruangah kan a sîr hen pawî kanti bâk ding asi.

Jisu chu thihnâk thawk hen a thawk nawlh. Pathian nih a nungtir nawlh mi asi. Pathian chu thihnâk ngak hen a chak dauh tih hi mi thawk hen a langhtir.

Jisu chu damte hen tuchun Pathian hen munkhat an um. Nung hen a um ruangah chun zeiliau zawngah kan hâwikawmh asi kho. Pathian lawmhtlâk kan um ding hen anih nih chun hawng kan òangpi ding a duh.

THLACHAM

Na thilti palh tla ruangah pawî na theih hen Pathian hen hâwikawmh siding na duh chun, thla na cham kho.

“Pathian duhtak, nang nih na ka dâwt tih ka theih. Na Fapa neihlem Jisu Krist khawm na hawng fial. Ka san ah sual chikip ka ti mi ruangah Kraws ah hawng ka thih piak. Ka sualnâk zawng tla hawng ka ngaihdam. Ka sualnâk tla ruangah thungai pawî kati. Jisu Krist ka kiangah a um ruangah lâwmthu kan simh. Zeiliau zawng nangmah ta siding hen ka duh. Na hawng ka duh dân hâwite um ding hen na hawng ka òangpi lai ma? Zeiliau zawng ka kiangah na um lai ma? Ka thlachamnâk na hawng ka sâng ruangah na sinah lâwmthu ka sim. Na tiam mi hâwi hen ka rangah ti rawh.”

JISU LEH NANGMAH

Jisu Krist lakah thilum kalliau chir mi chu a dawng rawh. Anih chu mi tamtak rangah hâwikawmh liantak, khaliau khawm ah a um, tu khawm ah a um ko. Hi laikulh chu â thlâktheng vima. Tuchun minung tla Sanatung leh Rang lakah a chuan lo hen Motor leh Meilawng zuang lakah an a chuan rawh. Hi zawng tla hi Jisu sinah chun danglamnâk zeikhawm a umlo. Chuliauah Israel tla sinah a kal hâwi hen tuchun kan sinah a um. Mit hen muhlo khawsele anih chu a um tatak. Tusûn khawm ah na hâwikawmh siding a duh. A thu na ngâi kho, na zângfah kho.

Jisu a thu cherkhet theih ding na duh ma? Theih ding na duh chun hi a tang lei mi thu tla hi zâwt rawh.

1. Na Bible kha rêl a dawmh (Zauhtirnâk ah Thâwngthâng Tha Luk bu thawk hen rêl na dawmh kho).
2. Thlacham a dawmh rawh (Pathian hen a sâwn u, a thu ngai, thuhar leh hawlh dang mang a herhlo).
3. Jisu thu leh Bible thu midang tla hen ruat u. Jisu nih a duh mi chu a zûltu tla nih pakhat leh pakhat a tawngkhawm hen amah thu an theih nûnah an theih singsuan ding a duh.



Translator Name: Pastor Zuam Dir Bawm

Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink Copyright 1993 Stitching Wereldtaal, Rotterdam, The Netherlands, Published in Dutch as “Jezus Messias”.

Edition in **Bawm** 2024: ISBN: - 978-94-93321-06-9 Digital copyright under the terms of the Creative commons BY-SA licence. All right of translation, reproduction and adaptation reserved for all countries. Worldwide co-edition organized and produced by: Wycliffe Netherlands,

E-mail: jmpbk.app@gmail.com Web: jesusmessiahcomicmedia.com/bangladesh

MESIA JISU

Hi hi Jisu Krist thu ah thudik thâwnghâng asi. Kum 2000 lânah Israel ram ah um mi asi. Amah hen an a tawng mi vial tla chu thungai chê an theih. Anih nih a timi tla chu âukhawm nih an ti kholo. A sim mi thu tla khawm aukhawm nih an sim kholo. Jisu chu a umnâk zawngah thilchê a tlung. A chungchâng hi mawhsareh tak hen dawng khawmsele a thu ngâitu tla sinah anih chu thungai lâwmnâk leh thawvengnâk a hawng put. A mêlma tla nih an thah. Sikhawmsele a dawngnâk siloh. Jisu Krist chungchâng thu zeî hâwi hen a um vima rih ti leh zeî hâwi hen a hawng tlung, hi tla hi nangmah ngelchel nih rêl rawh.



Language : Bawm

ISBN : 978-94-93321-06-9